

CONGREGATIONES PARTICULARES

REVERENDISSIMORUM PATRUM

CONCILII PLENARII CANADENSIS PRIMI

CONGREGATIO PRIMA

REVERENDISSIMORUM PATRUM CONCILII CANADENSIS

PLENARII PRIMI

Die septembris septima decima anni reparate salutis millesimi nongentesimi noni, feria sexta, Patres primi concilii Canadensis plenarii hora nona ante meridiem convenerunt in aulam præcipuam domus Illustrissimi et Reverendissimi Archiepiscopi Quebecensis ut, præside Excellentia Sua Reverendissima Illustrissimo Domino Domino Donato Sbarretti, archiepiscopo Ephesino et delegato apostolico, examinarent universi et approbarent quidquid pertineret ad præparandum concilium. Excellentissimus Præses, dicta oratione "Adsumus, Domine Sancte Spiritus", latinam ad augustum cœtum eamque eximiam concionem habuit, qua primo loco quantum gaudeat exprimit adunato primo gentis et Ecclesie Canadensis concilio cujus legiferam potestatem ostendit et extollit. Revocat secundo loco in omnium memoriam quidquid theologi a reverendissimis archiepiscopis et episcopis Canadensibus electi, commissionibus prævis, laudabili admodum studio elaboraverunt, iisdem episcopis adspirantibus et dirigentibus, fuisse confectum. Tertio loco Excellentia Sua Reverendissima quis serena lucis, pacis, charitatis spiritus omnibus disputationibus et deliberationibus sese infundere debeat ostendit et eas intus agere. Ultimo loco vivide depingit quos fructus hæc primitiæ conciliorum plenariorum polliceantur et spondeant ad gloriam Dei et Christi ejus, ad incrementum Sanctæ Matris Ecclesie animarumque salutis.

Tum Excellentia Sua Reverendissima nuntium legit quem telegrapho submarino mittet ad Sanctissimum Patrem nostrum Pium Papam Decimum gloriose regnantem, cui ferat nomine Patrum